

117 Laun eftirlitsmanna skulu greidd af skipaeigendum, samkvæmt tímatali í 13. maí hvert sinn.

6. gr.

Fiskmatsstjóri setur reglur um útbúnað og áhöld fiskvinnslustöðva og gefur út fyrirmæli um verkun og mat á fiski, þegar ástæða er til og ráðuneytið samþykkir.

Reglugerðarviðauki þessi er hér með settur samkvæmt lögum nr. 46 5. apríl 1948, um fiskmat og meðferð, verkun og útflutning á fiski, og öðlast gildi þegar í stað.

Atvinnumálaráðuneytið, 13. maí 1953.

Ólafur Thors.

Gunnl. E. Briem.

118
21. maí

SAMÞYKKT

um sýsluvegasjóð í Borgarfjarðarsýslu.

1. gr.

Í Borgarfjarðarsýslu skal vera sýsluvegasjóður samkvæmt lögum nr. 102 frá 19. júní 1933. Kostnaður við þær vegabætur, er að lögum hvíla á sýslufélaginu, greiðist úr sýsluvegasjóði.

2. gr.

Sýsluvegir eru þessir:

I. Aðalvegir:

1. Giljavegur frá vegamótum framan Reykhólts á þjóðveginn hjá Deildargili.
2. Rauðsgilsvegur af þjóðveginum hjá Steindórsstöðum um Rauðsgil að Auðsstöðum með álmu yfir Reykjadalssá á Giljaveg.
3. Stóra-Kroppsvegur frá þjóðveginum á Hamramelum um Stóra-Kropp yfir Geirsá á flugvöllinn á Kálfanesmelum.
4. Hælsvegur frá Skógum um Hæl að Brennistöðum.
5. Þingnesvegur frá þjóðveginum við Þórdísarholt um Árbakka að Þingnesi.
6. Bæjarvegur frá Þingnesvegi hjá Brún um Bæ að Laugarholti.
7. Kvígsstaðavegur frá þjóðveginum hjá Skjólhól um Heggstaði, Kvígsstaði og Vatnshamra á Andakilsárveg.
8. Hagavegur frá þjóðveginum hjá Stóru-Drageyri um Haga að Vatnshorni.
9. Kambshólsvegur frá þjóðveginum hjá Eyri um Kambshól á þjóðveginn við Þverárbrú.

II. Aukavegir:

1. Augastaðavegur af Giljavegi að Augastöðum.
2. Klettsvegur frá Stóra-Kroppsvegi vestan Geirsár að Klett.
3. Ásgarðsvegur frá Stóra-Kroppsvegi við Rjúpnalág að Ásgarði.
4. Geirshlíðarvegur frá Brennistöðum að Geirshlíð.
5. Tungufellsvegur frá þjóðveginum austan Brautartungu að Tungufelli.
6. Dagverðarnesvegur frá Skorradalsvegi að Dagverðarnesi.
7. Grafardalsvegur frá þjóðveginum í Kornahlið um Dragháls að Grafardal.
8. Sarpsvegur frá væntanlegri brú á Fitjaá að Sarpi.
9. Stafholtseyjarvegur frá Þingnesvegi við Græfrur að Stafholtsey.

10. Múlastaðavegur frá Þjóðveginum undan Snagagirðingu að Eyri.
11. Neðra-Skarðsvegur frá Þjóðveginum hjá Hávarðsstöðum að Neðra-Skarði.
12. Geldingaárvegur frá Þjóðveginum hjá Skorholti að Geldingaá.
13. Botnsdalsvegur frá Þjóðveginum við Botnsárbrú að Stóra-Botni.
14. Svarfhólsvegur frá Þjóðveginum hjá Hurðarbaki að Svarfhóli.
15. Vallanesvegur frá Akranesvegi að Vallanesi.
16. Reynisvegur frá Þjóðveginum hjá Heynesi að Reyni.
17. Vogavegur frá Akranesvegi um Bakkabæ að Elínarhöfða.

118

21. maí

3. gr.

Sýsluvegasjóður kostar byggingu og viðhald aðalsýsluvega. Sýsluvegasjóður leggur fram fé til bygginga aukasýsluvega gegn framlagi annars staðar að. Jafnaðarlega skal koma jafnhátt framlag gegn framlagi sýsluvegasjóðs, þó getur sýslunefnd ákveðið annað hlutfall. Viðhald aukasýsluvega skal jafnaðarlega greiðast úr viðkomandi sveitasjóði eða af öðrum aðiljum í hreppnum. Þó getur sýslunefnd ákveðið að viðhald aukasýsluvegar skuli greiðast af sömu aðiljum og byggingarkostnaður hans og í sömu hlutföllum. Það er skilyrði fyrir fjárveitingu úr sýsluvegasjóði til aukasýsluvega að hreppsnefnd leggi fyrir sýslufund, að hverju sinni, umsókn hér að lútandi og að henni fylgi skilríki fyrir því að framlag á móti sé fyrir hendi.

4. gr.

Sýslunefnd felur oddvitum, hverjum í sínum hreppi, að hafa umsjón með byggingu og viðhaldi sýsluvega. Oddvitar skulu hafa samráð við viðkomandi hreppsnefndir um vegaframkvæmdir allar. Yfirumsjón hefur oddviti sýslunefndar í samráði við yfirverkstjóra vegagerðar ríkisins í sýslunni.

Nú litur sýslunefnd svo á, að hagkvæmt og nauðsynlegt sé að nota stórvirkar vinnuvélar við byggingu eða viðhald sýsluvega, og getur hún þá falið oddvita sínum að leita samninga við vegagerð ríkisins um, að vegagerðin annist þær framkvæmdir. Ef samningar takast við vegagerðina um slíkar vinnuframkvæmdir, stendur fé það, er sýsluvegasjóður á að fá úr ríkissjóði til tryggingar því, að sýsluvegasjóður standi við fjárhagsskuldbindingar sínar vegna framkvæmdanna.

5. gr.

Nú koma fram tilmæli frá einhverri hreppsnefnd um, að byggingu sýsluvegar eða kafla úr sýsluvegi verði lokið á einu eða tveimur árum, og getur þá sýslunefnd, ef hún telur það hagkvæmt og nauðsynlegt, heimilað hreppsnefnd að taka lán til 5—10 ára til að koma þessu í framkvæmd og ábyrgist sýsluvegasjóður greiðslu lánsins með jöfnum greiðslum á áráðilinu, þó að þessu tilskyldu:

- a. Að viðkomandi hreppsnefnd taki að sér vaxtagreiðslur að fullu, meðan það stendur eða nokkur hluti þess;
- b. að viðkomandi hreppsnefnd sanni það fyrir oddvita sýslunefndar, áður en hafizt er handa um verkið, að lánið sé fengið, eða loforð um það, er oddviti tekur gilt;
- c. að viðkomandi hreppsnefnd, ef um aukasýsluveg er að ræða, ábyrgist árlega greiðslu þess hluta árlegra afborgana lánsins, er koma eiga frá öðrum en sýsluvegasjóði.

6. gr.

Nú hafa, án þess að leitað hafi verið samþykktar sýslunefndar til lántöku, safnast svo miklar lausaskuldir við hrepp eða einstaklinga vegna byggingar sýsluvegar, að nemur tvöföldu meðalframlagi úr sýsluvegasjóði til vegar þessa síðustu þrjú árin, og getur þá sýslunefnd ákveðið, að lán þessi skuli gerð að föstum lánnum samkvæmt ákvæðum 5. gr. með sömu skilmálum og lýst er í næstu grein á undan.

118

21. maí

7. gr.

Í sýsluvegasjóð skal árlega greiða vegaskatt af öllum skattskyldum fasteignum í sýslunni. Greiðist hann af ábúendum jarða og eigendum húseigna og lóða. Gjald-dagi á vegaskatti skal vera á manntalsþingum. Hreppsfélagi er þó heimilt að greiða skatt þennan úr sveitarsjóði að nokkru eða öllu leyti, sé það samþykkt með meiri hluta atkvæða á lögmatum sveitarfundi og oddvita sýslunefndar tilkynnt það fyrir 1. apríl. Gildir sú samþykkt, þar til henni er breytt á sama hátt, og oddvita sýslu-nefndar tilkynnt.

Sýslunefnd ákveður fyrir eitt ár í senn, hve hár skatturinn skuli vera og má hann ekki vera lægri en 2‰ og ekki hærri en 12‰ af land- og lóðarverði, samkvæmt fasteignamati, og hálfu lægri af húseignum.

8. gr.

Undanskyldar vegaskatti eru kirkjur, skólahús, sjúkrahús og þinghús.

9. gr.

Gjöld samkvæmt samþykkt þessari má taka lögtaki samkvæmt lögum nr. 29 frá 1885.

10. gr.

Samþykkt þessi öðlast þegar gildi.

Samþykkt þessi, sem sýslunefnd Borgarfjarðarsýslu hefur samið og samþykkt samkvæmt lögum nr. 102 19. júní 1933, sbr. lög nr. 50 17. maí 1947 og lög nr. 10 9. febr. 1953, staðfestist hér með, og birtist til eftirbreytni öllum þeim, sem hlut eiga að máli. Jafnframt fellur úr gildi samþykkt um sýsluvegasjóð í Borgarfjarðar-sýslu, nr. 80 1. júní 1942, ásamt síðari breytingu á henni.

Samgöngumálaráðuneytið, 21. maí 1953.

Hermann Jónasson.

Páll Pálmason.

119

21. maí

SAMÞYKKT

um sýsluvegasjóð í Mýrasýslu.

1. gr.

Í Mýrasýslu skal vera sýsluvegasjóður samkv. lögum nr. 102 frá 19. júní 1933. Kostnaður við þær vegabætur, er að lögum hvila á sýslufélaginu, greiðist úr sýslu-vegasjóði.

2. gr.

Sýsluvegir eru þessir:

I. Aðalvegir:

1. Framhliðarvegur frá vegamótum Þjóðvegur skammt neðan við Þverárrétt að Hermundarstöðum.
2. Glitsstaðavegur frá Vesturlandsvegi hjá Brók, með brú á Norðurá, um Skarðshamra, um Krók og um væntanlega brú á Norðurá hjá Króki á Norðurlandsveg.
3. Ásbjarnarstaðavegur frá Kleifavegi að Selhaga.
4. Flóðatangavegur frá Stafholti að Flóðatanga.